



ՀԱՅՐԱՊԵՏԱԿԱՆ ՔԱՐՈՋ ՓՐԿՉԻ ՀՐԱՇԱՓԱՌ ՍՈՒՐԲ
ԾՆՆԴՅԱՆ ՏՈՆԻ ԱՌԹԻՎ ՄԱՅՐ ՏԱԺԱՐՈՒՄ

(1980 թ. հունվարի 6)

«Յանուն Հոր եւ Որդւոյ եւ Հոգւոյն Սրբոյ. ամէն»:

Սիրեցյալ հավատացյալ ժողովուրդ Մեր որ ի Հայաստան և որ ի սփյուռքս աշխարհի,

Ողորմութեամբ բարին Աստծուն, բոլորս հուսացալ արտերով վերստին ողջունում ենք արշալույսը նոր մի տարվա, 1980 փրկչական թվականի:

Մենք ողջունում ենք նոր տարին, մեծ ավետիսովը Քրիստոսի Սուրբ Ծննդյան, հոգեկան մխիթարութեամբ որ դուք բարեպաշտ զավակներդ մեք առաքելական Մայր Եկեղեցու, այս տարի ևս դիմավորելու եք սույն բարի յուրը, ամենքդ հավատքով թե Հայրը մեր երկնավոր Իր միածին Որդին է առաքել երկիր՝ բերելու աշխարհին պատգամը փրկարար՝ «յերկիր խաղաղութիւն, ի մարդիկ հաճութիւն»:

Այո, Աստված խնքան սիրեց աշխարհը և մարդկանց, որ Իր Որդին առաքեց երկիր, որպէսզի նա բոլորին ցուց տա ճանապարհը հոգիների փրկութեան, ցուց տա ճանապարհը երկնքի շաքայութեան:

Իսկ մեծ առաքյալը պատգամում է՝ «ոչ է սրբայութիւն Աստուծոյ կերպուր և ըմպելի, այլ սրդաբութիւն և խնդութիւն և խաղաղութիւն ի Հոգին Սուրբ» (Հռոմ. ԺԳ. 17):

Ահա այսպես, այս գիտակցութեամբ է որ բոլորս պետք է դիմավորենք ավետիսը Աստվածորդու հրաշալի ծննդյան, և նույն այս գիտակցութեամբ է, որ պետք է գիտենանք վարել մեր կրանքը երկրի վրա, մեր սրտերը միշտ լեցուն՝ արդարութեան, խաղաղութեան, խնդութեան և սիրո զգացումներով դեպի բոլոր մարդիկ անխտիր, լինեն նրանք մեզ մոտիկ կամ մեզանից հեռու, լինեն նրանք մեզ հարազատ կամ անծանոթ, լինեն նրանք մեզ նման կամ տարբեր քան մենք:

«Քանզի ամենեքին որդիք Աստուծոյ էք հաւատովք ի Յիսուս Քրիստոս» (Գաղ. Գ. 26): Արդ, այս սուրբ պահին, երբ մանուկ Հիսուսի ծննդյան հրաշալի տեսիլքը յուսավորում է ձեր միտքն ու սրտերը՝ «հագեք ձեր վրա՝ գութ, ողորմություն, քաղցրություն, խոնարհություն, հեզություն, համբերատարություն, հանդուրժելով միմյանց, ներելով միմյանց եթե մեկը մյուսի դեմ գան-

գատ ունի, ինչպես Աստված Քրիստոսով ներեց մեզ, նույն ձևով արեք և դուք: Եվ այս բոլորի վրա թող տարածվի սերը որ կապն է կատարելության: Եվ ձեր սրտերում թող հաստատվի Քրիստոսի խաղաղությունը, որին կոչված եք բոլոր իբրև մեկ մարմին» (Կողոս. Գ. 12—15):

Սիրելիք Մեր, ուղղեցեք ձեր հալացքները դեպի հորիզոնները մեր երկրագնդի, ու պիտի տեսնեք գրեթե ամենուրեք խոռվաճուղի վիճակներ, տագնապալի պայմաններ քնդհարումներ: Նաև սպառնալիցությանց խելամուղոր մրցավազք, որ սպառնում է համայն մարդկությանը աշխարհակործան մի նոր պատերազմով:

Ահա թե ինչու մեր օրերին, հեռզինտե ավելի ու ավելի այժմեական և հրամայական է դառնում կենսագործումը երկնային պատգամի՝ «չերկիր խաղաղութիւն, ի մարդիկ հաճութիւն»:

Խաղաղ ու համերաշխ համակեցությունը ժողովուրդների, պետք է նկատել «ամեն բանից վերը» և գերագույն պայմանը մարդկության ոչ միայն երջանկության, այլ պարզապես նրա գոյատևման:

Այս իրադրության մեջ, արդար կլինի որ մտահոգվեն առավելապես փոքր ժողովուրդները, որոնք մի հարվածով իսկ կարող են ամբողջապես բնաջնջվել, հետք իսկ չթողնելով իրենց ետևում:

Մենք, հայերս, իբրև եկեղեցու ժողովուրդ, մեր համրանքով ու աշխարհագրական դիրքով, կարող է պատահել որ Աստված մի արասցե, նման ճակատագիր ունենանք: Մենք հայերս այո, որ անավոր փորձառություններ ունեցանք 1915-ի ցեղասպանության եղբերգության: Այս գիտակցությամբ է որ Մենք իբրև Հայրապետ Հայոց պիտի աղոթենք ու պիտի քարոզենք ու պիտի գործենք՝ վասն խաղաղության ամենայն աշխարհի, վասն սիրո միություն և միակամ համագործակցության մեր ժողովրդի բոլոր զավակների, որ ի հայրենիս և որ հարտասահման:

Հայ ժողովուրդը և նրա Մայր Եկեղեցին, անվարան իրենց բախտը կապել են խաղաղության ուժերի հաղթանակի հետ, զինաթափման ու միջազգային համերաշխ գործակցության գաղափարների կենսագործմամբ:

Թող լինի խաղաղություն աշխարհին համայն: Թող լինի խաղաղություն մեր մայր երկրի տահմանների վրա:

Նաև խաղաղություն և անասան միասնություն մեր ժողովրդի ազգային-եկեղեցական կյանքում, վերածնված մայր հայրենիքի անվտանգության հրամայականի գիտակցությամբ:

Այո՝ թող խաղաղություն լինի աշխարհում, որպեսզի «մեր քաջ որդվոց սուրբ արյունով» մահվան անդունդից փրկված ու վերածնված մեր մայր երկիրը, շարունակի այս արևի տակ ապրել, աճել ու է՛լ ավելի ծաղկել եղբայր ազգությունների մեծ ընտանիքում, աճել ու ծաղկել, իր արդար վաստակով, իր ազգային հանճարով, իր ապագայի նկատմամբ վառ ու պայծառ տեսիլքներով:

Հիմնավորք մեր մայր հողը կենսատու, նախնյաց մեր լույս հավատքը փրկարար, թող լինեն բոլոր հայերի համար անխորտակ վե՛մ ու ապավեն:

Քրիստոսատես Մայր Աթոռ Սուրբ Էջմիածնից, սուրբ գրական Արարության Հայոց աշխարհից, բերում ենք ձեզ բոլորիդ հոգևորոգ ավետիսը Քրիստոսի Սուրբ Մեննդյան, Մեր սրտից բխած ամենաբարի մաղթանքներով և օրհնություններով հայրապետական:

«Քրիստոս ծնաւ եւ յայտնեցաւ»: «Փառք ի բարձունս Աստուծոյ»: Ամեն: